

Tullersorti Souschef Angerlarsimaffik Ivaneq

Angerlarsimaffik Ivaneq Namminersorlutik Oqartussanit pigineqarpoq aamma aaqqissuussaaneq naapertorlugu Isumaginninnermut Aqutsisoqarfiup ataani inissisimavoq.

Sulilerfissaq: 15 september 2026, imaluunniit isumaqatigiissuteqarnikkut atorfininneq ingerlanneqarsinnaalluni.

Inissat amerlassusaat aamma immikkoortortaqaarfiit

Imikkoortortanut arfinilinnut agguataarsimasunut 25-inut inissaqarpoq. Ukioqatigiiaat 0-17 inut ukiulinnut inissisimavoq.

Siunertaq

Toqqissisimanartumik, angerlarsimaffippalaartumik aaqqissuussaasumillu avatangiiseqarluni patajaatsunik inissaqartitsisunillu inersimasortaqaarluni meeqqat ilorrisimaarlutik ineriartorlutik ilinniartinneqarnerinik akisussaaffilinnik siunertaqarnissaq Ivaneq-rup neqeroorutigissallugu siunertaraa. Meeqqat inuit ataatsimoornerini takuneqarlutillu tusaaneqarnertik malugissavaat. Meeqqat inuit attaveqarfigisarnerini assigiinngitsunilu ataatsimoortarnerini attaveqartariaatsit ilinniarnissaat aamma siunertaapput pingaarutillit, paaqqinnittarfimmi inuuneq, atuartuuneq, sunngiffimmi inuuneq aamma ikinnguteqarneq ilinniagassaanut pingaartunut aamma ilaapput. Meeqqap angajoqqaaminnut imaluunniit qanigisaminnut allanut attaveqarsinnaatitaaneri najorteqarsinnaatitaanerilu Ivaneq-rup tapersersussallugit pingaartitarai. Meeqqat ulluinnarni suliassanik unamminartunillu ilinniartinneqarnissaat aamma siunertaavoq, taamaalillutik siunissami paaqqinnittarfimmiikkunnaarunik nammineerlutik inuuneqarlutik akisussaaffimmik tigusisinnaanngortillugit sungiusarneqassapput.

Inummik perorsaariaaseq

Ivaneq-rmi akuersaarluni, attaveqartarluni attaveqatigiittarlunilu tunngaviusumik perorsaasoqartarpoq. Inunnik allanik naapitsisarlu inooqateqarlunilu meeraq imminut paasiartulertarpoq, imminut naleqartikkiartulersarpoq aamma imminut tatigiartulertarpoq, soorlu aamma inuit allat inooqatigalugit meeqqap akuersineq tigooqqarlugulu tunniussornissaanut ilinniartartoq. Patajaatsunik akuutitsisunik akuersaartunillu inersimasunit tunngaviusumik attaveqartarluni meeraq ilorrisimaarluni inuulertarpoq namminerlu piginnaasami misilerarsinnaalersarpai. Perorsaasup pingaarnrup pingaarnrullu tulliaata meeraq toqqissisimanartumik isumannaatsumillu talerarnissaanut inissisimaffiit tigummisarpai. Ivaneq-rmi sullissinermi suleqatigiinnermilu oqaatsit pingaarit allat tassaapput akuersaarneq, peqqissaarneq, akisussaassuseq aamma suliaq aallaavigalugu sullissineq.

Perorsaanermi suliatta pingaarutillit aamma ilagivaat

- Toqqissisimasumik meeqqamut tunngavik - Pingaarnertut aappaattullu attaveqaatit atortinneqarneri
- Sanarfineqarneq siumullu nalunanngitsoq - aaliangersimasumik ullup ingerlarnge immikkoortortani tamani
- Ulloq sammisassaqaarfiusoq - meeqqat ullut tamaasa neqeroorfigineqassapput sammisassanik ukiuinut naleqquttunik
- Atugarissaarneq pillugu ataatsimoortumik isumaq - inooriaatsimut malitassat immikkoortortani tamani

Isumaginninnermut Aqutsisoqarfiup kommuninillu suleqatiginerisa saniatigut suleqatigisartakkat

Ivaneq-rup najukkami atuarfiit, peqqinnissaqaarfik politiillu pitsaasumik suleqatigissallugit pingaartitarai. Tarnip pissusaanik immikkut ilisimasallit suliffeqarfiup avataaneersut atuartitsisartut aamma oqaloqatigiinneq atorlugu imaajaasartut suleqatigineqartarput.

Immikkut ittunik neqeroorutit/ atugassarititaasut

Ivaneq inunnik persorsaanermini pinngortitaq akuttunngitsumik atortarpaa, imaatigut angalaarneq illuaqqaniinnerlu matumani ilanngullugit atortarlugit.

Akisussaaffitsigut piginnaatitaanikkullu – **Pisortamut Tullersorti/Sinniisoq**

Pingaarnert

- Pisortamut tullersortip toqqaannaq siullertut pisortaq saaffissarivaa, taakku marluullutik Angerlarsimaffik Ivaneq aquppaat.
- Pisortaq peqanngissatillugu peqannginnerani pisortamut tullersortip paarlattarpaa aqutsinikkuusinnaalluni allaffissornikkuusinnaallunilu.
- Pisortamut tullersortip Pisortani tatiginassuseqaqatigalugu ornigulluni suliasatigut peqatigisassavaa isumassarsinartunillu avitseqatigisinnaallugulu suleqatigilluarsinnaasussaavaa.
- Tullersortip qulakkiissavaa, pisortani aqutsisullu allat peqatigalugit, angerlarsimaffiup anguniagaanik ineriartortitsinissaq naleqassutsikkullu pingaartitaanik atuutsitsisalnissaq.
- Tullersortip akisussaaqataaffigivai, sulisunut isumaginnittarnissaq, ineriartortitsinissaq, aserfallatsaaliinissat kiisalu Meeqqat Illuanni perorsaanikkut suliaqarnermi allannguititsarnissaq atuutsitsilertarnissarlu.
- Tullersortip akisussaaffiit ilaapput qullersaqatigiit peqatigalugit angerlarsimaffiup anguniagaanik, iliuusissiaanik periusissiaanillu suliarinneqataasarnissaq ukkassinissarlu.
- Tullersortip akisussaaqataaffigivai, qulakkeerinneqataaffigissallugu, angerlarsimafiup tunngaviatigut naleqartitaasa ulluinnarni takuneqarsinnaasuunissaat (akisussaassuseqarneq, ilisarsisisinnaassuseqarneq, oqaloqatigiittarneq, isumassuisarnerlu.

Ilinnut tunngsut:

Om dig

- Perorsaasutut ilinniarsimasoq assingusimilluunniit ilinniagalik
- Aqutsinermik misilittakkalik
- Ulloq unnuarlu angerlarsimaffimmi sulinermi misilittagaqartoq
- Suliasanit unamminarsinnaasunik suliaqarnermi nuannarisalik, aporfissarsiorani periarfissarsiornermik ujartuisinnaasoq iluarsisuteqarsinnaalluni.

•Tigussaasut

Tullersortip suliasamisut makku tigummivai:

Allarfissornikkut

- Pisortat suliasaasa iluini aaliangersimasut pisortamik isumaqateqareersimanermigut suliasamisut tigumissinnaavai

Sulisoqarnikkut

- Meeqkerisutut allatigulluunniit atorfinitsitsiniaanerni oqaloqateqarnissani akisussaaqataaneq
- Sulisunik oqaloqateqarnissani MUS´samatalertitsisarnisanullu akisussaaqataaneq
- Immikkortortani pisortanut isumasiueqatiginittussaataavoq
- Angerlarsimaffik Ivanermi ilinniartunut qullersatut ataqatigiissaarisuullunilu akisussaasuutitaq
- Aqutsisunit aallartitatut sillimaniarnikkut ataatsimiititaliami ilaasortaallunilu suliffimmi isumannaallisaanikkut akisussaaqataasooq

Perorsaanikkut

- Ineriartortitsinissatigut pilersaarusiornernut ineqartullu immikkut tamarmik nalunaarusiorneqartussanngorfiini peqataasarnissaq
- Aqutsisut ataatsimeeqatigiinnerini sulisullu ataatsimeeqatigiittarnerisa ilaanni peqataasarnissaq

- Sulisunik ilinniartitsisarnissaq siunnersuisarnissarlu

Aallartitaasameq avataanilu suleqatigisartakkat

- Avataani suleqatigisartakkanut tunngatillugu suliassaqaalertarneq aaliangersimasumik siunertalinnik soorlu ukunani: Atuarfeqarfiit, napparsimaviit, MISI, politiit il.il.
- Suliassartallit ornittariaqartakkat aallartitaqarnikkut pisortap isumaqatigereernerata kingorna
- Qullersatut akisussaasoq, atuariit aqutsisuinik MISI´millu suleqateqartarnerni Tullersorti pisussaaffeqarpoq sukkulluunniit ajornartorsiummik aporfeqartoqalertillugu pinartoqalertilluguluunniit pisariaqavissumik aggersagaariataarsinnaasartussa.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.

E-mail-ikkut qinnuteqaatinik tigusingeq ajorpugut.